

МЕСЯЦА ДЕКАБРЯ В 15-Й ДЕНЬ (28 ДЕКАБРЯ ПО Н. СТ.)

**Преподобнаго и Богоноснаго отца нашего
Трифона Печенжского, просветителя лопарей**

НА МАЛОЙ ВЕЧЕРНИ

На Господи, воззвах: стихиры на 4. Глас 5:

Преподобне отче Трифоне, / пришед в край Лапландския земли, / душу свою очисти и тело стягнув воздержанием, / овако Святаго Духа обитель явил еси, / иже содея ты великаго светильника, / просветившаго во мраце сущия языцы полнощныя, / и наставника монахов множества, / сего ради ныне сошедшеся, // велемудренно ты ублажаем. *(Дважды).*

Зиждителя обители на мирстем конце полунощи / и крепкаго наставника монахов ты почитаем, отче наш Трифоне, / твоею бо стезею воистину мнози право ходити познаша. / Блажен еси, Христу угодниче и ангелов собеседниче, / преподобных сопричастниче и праведных единоправный, / с нимиже молися Господеви // помилватися душам нашим.

Явился еси, богоблаженне, преподобне отче наш Трифоне, / воистину сна твоима очима не дал еси, / ниже плоти твоея упокоения. / Божию силою укрепляемь, / связуя многая врагов ополчения, / над страстьми воцарился еси; / темже попечение о пастве твоей приял еси / и обитель чудную во имя Святыя Троицы создал еси, / Юже моли, преподобне, // даровати мир миру и душам нашим велию милость.

Слава, глас 6:

Приидите, монашествующих множество, днесь, / Трифона, благочестия и братолюбия подражателя, / песнями и пеньми восхвалим, глаголюще: / радуйся, преславне Трифоне, земли полнощныя пресветлый светильниче; / радуйся, яко Троице предстоиши со ангелы, / Юже непрестанно моли спасти всех отчелюбцев, // призвавша ты почитающих.

И ныне, Богородичен, глас 6:

Богородице, Ты еси лоза истинная, / возрастившая нам Плод животá, / Тебе молимся: молися, Владычице, со святыми апостолами // помилovati души наша.

Прокимен дне.

На стиховне стихире, глас 6.

Иже древле оляденевшая неверных людей сердца / словесы твоими, блаженне Трифоне, возделал еси, / семя веры в них насадив, преподобне, / пустыню неплодную яко град соделав, / в ней множества монахов собрал еси / славити Многопетую Троицу, // Юже моли спастися душам нашим.

Стих: Честна пред Господем / смерть преподобных Его.

Богомудре отче наш Трифоне, / обитель во имя Живоначальныя Троицы осуществовал еси, / аще бо и послежде ты новопросвещенная страна Кольская возрастит, / тамо монахов множества песнословят и правверную веру хвалят, / покаряющеся учением Христовым, // Егоже моли спастися душам нашим.

Стих: Блажен муж бойся Господа, / в заповедех Его восхощет зело.

Егда же прииде преподобный отец наш Трифон в землю полнощную, / тогда на Твою помощь, Богородице, упование свое возложит. / Мы же, его любви к Тебе подражающе, / немолчными Тя пении ублажаем / и, покланяющеся, зовем: / О, Пресвятая, // прииди и сохрани достояние Твое от всякаго зла.

Яко в небесных чертозах, / добродетели дом предуготовал еси себе, Трифоне, / и веселие, и радость, и славу вечную восприял еси, премудре, / и ныне воистину ясно зриши Святую Троицу, // Ейже молися, даровати нам велию милость.

Слава, глас 8:

Мира красоту и славу мирскую от людей отнюд возненавидел еси, / преподобне отче Трифоне, / и на покаяние изшел еси в край Северныя земли, / в сокрушении сердечном слезами землю омакая. / Монашеского

жити́я па́че возлюбѣв, / а́нгелом собесѣдник бѣти сподобился еси́, / чудесы́, якоже второе́ со́лнце, во грехо́внем мра́це глубоконо́щия возсия́. / Помина́й нас, о́тче всехва́льный, / соверша́ющих свяще́нную па́мять твою́ и си́це глаго́лющих: // моли́ Христа́ Бо́га спаст́ся душа́м на́шим.

И ны́не, Богоро́дичен:

Влады́чице, приими́ моли́твы раб Твои́х / и изба́ви нас // от вся́кия ну́жды и печáли.

Тропа́рь, глас 4:

От мятéжа мирска́го в пусты́ню удалѣлся еси́, / к немерца́ющему Свѣту притека́я, / и слез твои́х течéньми, о́тче Три́фоне, / пусты́ни се́верныя воздѣлал еси́, / пощéньми и из глубины́ воздыхáньми / чудес́ благода́ть от Бо́га приём, / мона́хов Печéнжских родите́лю и лопля́н апóстоле, / моли́ Христа́ Бо́га // спаст́ся душа́м на́шим.

Ектенія ма́лая и отпу́ст.

НА ВЕЛІЦЕЙ ВЕЧÉРНИ

Блаже́н муж: 1-й антифо́н.

На Го́споди, воззва́х: стихи́ры на 8, глас 5:

Преподо́бне о́тче Три́фоне, / телéсныя стра́сти зéльным пока́нием, / постóм безща́дным, слéзными моли́твами успѣл еси́, / по́том же воздержáния, желéзными верѣ́гами оковáнием / угасѣл еси́ у́глие страстéй. / Сего́ ра́ди чудеса́ тво́я сла́вит страна́ Ко́льская, // честну́ю Твою́ па́мьть свѣ́тло пра́зднующи.

От бра́тии свое́я стрóпотныя не отступѣл еси́, о́тче Три́фоне, / дóндеже в благоúмие и пока́ние всех не приведе́. / Внегда́ же наста́ час испытáния, / чи́сты их Христо́ви предста́ви, / си́це честну́ю кончи́ну от Го́спода прия́ша. / Тёмже победи́ша véрою страх, / кровь за Христа́ проли́ти сподоби́шася // и венце́м мучени́ческим увязóшася.

Зва́нию Го́спода твоего́ послéдовал еси́, / мир отвѣргл еси́ и на стра́сти па́губныя по́стнически противоополчи́лся еси́: / мýжески все естество́ понúдив, / потщáлся еси́ хýждшее покорѣти лúчшему / и плоть

поработити дүхови. / Проси́, о́тче святы́й, я́ко предсто́я престόлу Христа́, всех Царя́, / прегрешéний на́ших очищéние // и Цáрствия Небéснаго наследниками б́ыти.

Сла́ва, глас 6:

Мужески бо естество понудив, / от страстей тяжких и вожделений греховных любосмирённо избавился еси / и, плоть поработив дүху, / правило добродетели показался еси, / многим монашествующим учитель и наставник явился еси. / Ныне же, Престолу Божию предсто́я, / моли́ся, преподобне о́тче наш Трифоне, // о в монашестве подвизающихся.

И ны́не, Богородичен:

Кто Тебе не ублажит, Пресвятая Дево? / Кто ли не воспоёт Твоего Пречистаго Рождества? / Безлетно бо от Отца возсиявый Сын Единородный, / Тойже от Тебе, Чистая, пройде, / неизречённо воплощся, / естеством Бог Сый, / и естеством быв Человек нас ради, / не во двою лицу разделяемый, / но во двою естеству / неслитно познаваемый. / Того моли, Чистая Всеблаженная, // помилуй души наши.

Вход. Прокімен дне. Чтёния три.

Притчей чтение:

Па́мять пра́веднаго с похвала́ми, и благослове́ние Госпо́дне на главе́ его́. / Блаже́н челове́к, иже обре́те премудро́сть, и сме́ртен, иже уве́де ра́зум. / Лу́чше бо сию́ купова́ти, неже́ли злата́ и сребра́ сокрово́ища. / Честне́йшая же е́сть ка́мений многоце́нных, все же честное́ недосто́йно ея́ е́сть. / Долгота́ бо дней и ле́та живота́ в деснице́ ея́, в шу́йце же ея́ бога́тство и сла́ва. / От уст ея́ исхо́дит пра́вда, зако́н же и ми́лость на язы́це но́сит. / Послу́шайте у́бо мене́, о ча́да, честная́ бо реку́, и блаже́н челове́к, иже пу́ти моя́ сохранит: исхо́ди бо мой – исхо́ди живота́, и уготовля́ется хоте́ние от Го́спода. / Сего́ ра́ди молю́ вас и предлага́ю мой глас сыно́вом челове́ческим. / Я́ко аз, премудро́сть, устро́их сове́т, и ра́зум и смысл аз призва́х. / Мой сове́т и утвержде́ние, мой ра́зум, моя́ же кре́пость. / Аз мене́ лю́бящая люблю́, ищущи́и же мене́

обрящут благодать. / Разумейте убо, незлобивии, коварство, ненаказании же, прилагайте сердца. / Послушайте мене и паки, честная бо реку, и отверзу от устен правая, яко истине поучитесь гортань мой, мерзки же предо мною устны лживыя. / С правдою вси глаголы уст моих, ничтоже в них стропотно, ниже развращенно. / Вся права суть разумевающим и проста обретающим разум. / Научаю бо вас истине, да будет о Господе надежда ваша, и исполнитесь Духа.

Притчей чтение:

Уста праведнаго каплют премудрость, язык же неправеднаго погибнет. / Устны мужей праведных каплют благодати, уста же нечестивых развращаются. / Мерила льстивая мерзость пред Господем, вес же праведный приятен Ему. / Идеже аще внидет досаждение, тамо и безчестие, уста же смиренных поучаются премудрости. / Совершение правых наставит их, и поползновение отрицающихся упасет их. / Не пользуют имения в день ярости, правда же избавит от смерти. / Умер праведный, остави раскаяние, наручна же бывает и посмеятельна нечестивых пагуба. / Правда непорочнаго исправляет пути, в нечестие же падает неправда. / Правда мужей правых избавит их: безсоветием же пленяются беззаконнии. / Скончавшуся мужу праведну, не погибнет надежда, похвала же нечестивых погибнет. / Праведник от лова убежит, вместо же его предается нечестивый. / Во устех нечестивых сеть гражданином, чувство же праведных благопоспешное. / Во благих праведных исправится град, и в погибели нечестивых радование. / Во благословении правых возвысится град, усты же нечестивых раскопается. / Ругается гражданином лишенный разума, муж же мудрый безмолвие водит.

Премудрости Соломоновы чтение:

Праведных души в руке Божией, и не прикоснется их мука. / Непщевани быша во очесех безумных умерети, и вменися озлобление исход их, и еже от нас шествие – сокрушение, они же суть в мире. / Ибо пред лицом человеческим, аще и муку примут, упование их безсмертия исполнено. / И в мале наказани бывше, великими благодетельствовани будут, яко Бог искусил я и обрете их достойны Себе. / Яко злато в горниле

искусї их, и яко всеплóдие жéртвенное прїят я. / И во врéмя посещéния их возсіают, и яко їскры по стéблию потекúт. / Сúдят язýком и обладаóют людьмі, и воцарїтся Господь в них во вéки. / Надéющиися нань разумéют їстину, и вérнии в любви пребúдут Емú. / Яко благодать и мїлость в преподóбных Егó, и посещéние во избрáнных Егó.

На литїй стихїра хра́ма и стихїры свята́го, глас 6:

А́нгелы своя́ страна́м и язýком предста́тели вérныя дарова́вый Бог, / егда́ прїиде времéн исполнéние, / молéния ра́ди а́нгела страна́, яже близ океа́на хла́дна, / и наро́да лóпска предста́теля, / прїзва́ тя во благовéстие, всехва́льне Трїфоне, / яко да спасéни бúдут лю́дие тїи, / да возопію́т во умилéнии серде́ц: // благословéн Бог отéц на́ших.

Бу́ри океа́на хла́дна не убо́явся, / любóвию Христóвою согрева́емь, / во страна́ сэверную преселїлся есї, досточúдне Трїфоне, / предложїл есї та́мо наро́ду лóпску огонь любвé Бóжия, / хлад и мрак душї разгоня́ющь, / во éже чїстым сэрдцем и усты́ воспевáти: // благословéн Бог отéц на́ших.

Видéние бе дївное, / егда́ от мра́чна невédения язýцы ва́рварстїи, / тобо́ю прїведéннїи, Христóви сочетáшася: / земля́ бо и нéбо ликовáша, / во струя́х Печénги и Пáзреки, áки Иорда́на и Днепра́, // зря́ще мнóжество крещáемых и Христá сла́вящих.

Сла́ва, глас 5:

Боготéчней звездé уподóбился, / всю страна́ сэверную обтéкл есї, досточúдне Трїфоне, / яко бо деннїца, со́лнцу преходя́щая. / От язýка лóпска прївел есї ко Христú чад мнóжество, / їже в радóсти серде́чней прїяша крещéние / и со умилéнием возопїша: // благословéн Бог отéц на́ших.

И ны́не, Богорóдичен, глас тóйже:

Храм и дверь есї, / пала́та и престóл Царéв, / Дéво Всечестна́я, / Ёюже Избáвитель мой, Христóс Господь, / во тьмé спя́щим явїся, / Со́лнце Сый прáвды, просветїти хотя́, / яже создá по óбразу Своемú руко́ю Своею. / Тёмже, Всепéтая, / яко ма́терне дерзновéние к Немú стяжав́шая, // непрестáнно моли́ спастїся душáм на́шим.

На стихóвне стихи́ры, глас 1.

Подóбен: Небёсных чинóв:

Крест Христов взёмше, на покаяние изшёл еси́ от юности твоея́, /
яко разбойник исповёдася и слезя́: / помяни́ мя Гóсподи во Цáрствии
Твоём. / Бóгу послужил еси́, послушание мона́шеское соблю́л еси́, /
чистоту́, смире́ние, нестяжа́ние и терпе́ние тяжкими труды́ свои́ми обрёл
еси́. / Те́мже и мы, почита́я тя, мо́лим: / преподóбне óтче Три́фоне, //
помози́ и нам в сих добродéтелях преуспе́ти.

Стих: Честна́ пред Гóсподем // смерть преподóбных Егó.

В пусты́ню дивию́ всели́лся еси́, / постóм, поклóны, стоя́нием на
моли́тве, / бде́нием неуста́нным плоть умертвил еси́, / в по́двизех дневных
и но́чных течéние совершил еси́ / и наро́д лопáрский в ве́ре наста́вил
еси́. / Свету́ Вели́кому, я́ко венечник святы́й, ны́не предсто́йши, / помина́й
изря́дное твоё досто́яние, / е́же мно́гими труды́, óтче, стяжа́л еси́, // да вси
тя ублажа́ем.

Стих: Блаже́н муж боя́йся Гóспода, // в за́поведех Егó восхо́щет
зелó.

Пути́, вводя́щаго в жизнь, наста́вник и учи́тель был еси́ / и в
последних концéх се́верных страны́ язы́ки просвети́л еси́, / породив
водо́ю и Ду́хом Святы́м, / Егóже благода́тию недужныя цели́л еси́, / от
грехóв тяжких очища́я, / и чу́ства покая́нная пробужда́л еси́, / и мно́гих
на путь спасéния и ве́ры наста́вил еси́, // óтче наш Три́фоне.

Сла́ва, глас 8:

Премудрости сокровище быв, преподóбне Три́фоне, / сердца́
невёрных люде́й учéнием твои́м просвети́л еси́, / благочéстия семенá
насадив. / Те́мже ты вси, я́ко учи́теля мона́хом и бельцо́м, / досто́лжно
ублажа́ем и мо́лимся: / моли́ся Христу́, Ему́же усёрдно порабо́тал еси́, /
изба́вити нас наве́т вра́жиих // и спастися душáм на́шим.

И ны́не, Богорóдичен, глас то́йже:

Безневе́стная Де́во, / я́же Бóга неизрече́нно заче́нши плóтию, / Ма́ти
Бóга Вы́шняго, / Твои́х рабо́в мо́льбы́ приими́, Всенепоро́чная, / всем

подаючи очищение прегрешений, / ныне наша моления приемлющи, // моли спастися всем нам.

На благословении хлебов тропарь святому дважды, и Богородице Деве: единожды.

Тропарь, глас 8:

Путь, вводящаго в жизнь, наставник и учитель был еси: / прежде бо, преподобне отче наш Трифоне, / пришел еси в часть Норвегския земли / и в последних концах северных стран языки просветил еси, / породив водою и Духом Святым, / и священная твоя чада в бесплодной пустыни, / яко древа масличная, насадил еси, / велию обитель Святыя и Живоначальныя, Единосущныя и Нераздельныя Троицы создал еси, монахов множество собрав. / Тем, яко апостолом и пустынножителем равночестна чтуще тя, / прилежно припадающе, вопием: / моли всех Бога за Русскую землю, за область твою и за вся люди, // почитающия память твою.

Ин тропарь, глас 4:

От мятѣжа мирскаго в пустыню удалился еси, / к немерцающему Свету притекая, / и слез твоих теченьми, отче Трифоне, / пустыни северных возделал еси, / пощеньми и из глубины воздыханьми / чудес благодать от Бога прием, / монахов Печенжских родителю и лоплян апостоле, / моли Христа Бога // спастися душам нашим.

НА УТРЕНИ

На Бог Господь: тропарь святому дважды.

Слава, и ныне: Богородичен, глас 4: Еже от века:

По 1-й стихологии седален, глас 3:

Землю оставил еси и небесных обителей жителем сподобился еси быти, / чистотою жития своего, любовью к Богу и ближнему просиял еси. / У Престола Божия среди ликом апостолов, преподобных и мучеников молишися за ны, недостойныя. / Не остави нас, преподобне отче Трифоне, / моли Господа даровати нам, грешным, велию милость / ко спасению душ наших. *(Дважды).*

Сла́ва, и ны́не, Богоро́дичен:

Я́ко Всенепоро́чная Неве́ста Творца́, / я́ко Неискусому́жная Ма́ти
Изба́вителя, / я́ко приятелище су́щи Уте́шителя, Всепе́тая, / беззако́ния мя
су́ща скве́рное жили́ще / и бесо́в игралище в ра́зуме бывша, потщи́ся сих
злоде́йствия мя изба́вити, / све́тлое жили́ще добродете́лей
содела́вши, Светода́тельная, Нетле́нная. / Отжени́ о́блак страсте́й и
вы́шняго прича́стия сподо́би / и све́та невече́рняго моли́твами Твои́ми.

По 2-й стихоло́гии седа́лен, глас 5:

В да́льняя места́ и безве́стная прише́л еси́, о́тче наш Три́фоне, / и
неведу́щим Бог тобо́ю позна́ся. / Иде́же прелесть почита́ема бя́ше, / та́мо
же ны́не лю́дям во тме неве́рия лежа́щим ве́ра Христо́ва тобо́ю дарова́ся, /
и оби́тель ве́лия процвете́. / Всех научи́л еси́ в Три́ех Ли́цах Еди́но
Божество́ ве́ровати, / те́мже священну́ю Твою́ па́мять достодо́лжно
ублажа́ем. *(Два́жды).*

Сла́ва, и ны́не, Богоро́дичен:

Я́ко невозде́ланна, Де́во, лоза́, / прекра́сный Грозд, Христа́,
возрасти́ла еси́, / источа́ющ нам вино́ спаси́тельное, / всех веселя́щее
ду́ши и телеса́. / Те́мже я́ко вино́вну Тя до́брых ублажа́юще, / при́сно со
А́нгелом вопие́м Ти: / ра́дуйся, Обра́дованная, Госпо́дь с Тобо́ю.

По полиеле́е велича́ние:

Ублажа́ем тя, / преподо́бне о́тче наш Три́фоне, / и чтим
равноапо́стольныя труды́ твоя, / наста́вниче мона́хов // и собесе́дниче
А́нгелов.

Псалом избра́нный:

Терпя́, потерпе́х Го́спода, и внят ми, и услы́ша моли́тву мою́.
/ Поста́ви на ка́мени но́зе мой и испра́ви стопы́ моя́. / Се удали́хся, бе́гая,
и водвори́хся в пусты́ни. / Уподобихся неясы́ти пусты́нней. / Бдех и бых,
я́ко пти́ца, особы́ающаяся на зде. / Колéна моя́ изнемо́госта от поста́, / и
плоть моя́ измени́ся елeя́ ра́ди. / Предзрéх Го́спода пре́до мно́ю вы́ну, я́ко
одесну́ю мене́ есть, да не подви́жуся. / Всеи́ язы́цы обыдо́ша мя, и И́менем
Госпо́дним противля́хся им. / Благослове́н Госпо́дь, И́же не даде́ нас в

ловитву зубом их. / **Хранит** Господь души преподобных Своих.
/ **Восхвалятся** преподобнии во славе и возрадуются на ложах своих.
/ **Честна** пред Господом смерть преподобных Его. / **Пойте** Господеви,
преподобнии Его, и исповедайте память святыни Его, во всех людех
чудеса Его.

Слава, и ныне: Аллилуия: (Трижды).

По полиелее седален, глас 8:

Добродетелей ты жестокий шествовал еси путь, преподобне
Трифоне, / Богом данный, Ангеле Печенжский. / Душевныя страсти
благопотребно, вкупе же и телесныя, / духовным посеки еси мечем, / к
лику преподобных сочетался еси, / темже, поклоняющеся, молим тя,
преподобне отче, / даруй и нам силу душевную / усердными подобниками
быти добродетелей твоих высоких. *(Дважды).*

Слава, и ныне, Богородичен:

О Тебе радуется, Благодатная, всякая тварь, / ангельский собор и
человеческий род, / освященный храм и рай словесный, / девственная
похвало, из Неяже Бог воплотися и Младенец бысть, / прежде век сый Бог
наш, ложесна бо Твоя престол сотвори / и чрево Твое пространнее небес
содела. / О Тебе радуется, Благодатная, всякая тварь, слава Тебе.

Степenna, 1-й антифон, 4 гласа. Прокимен, глас 4: Честна пред
Господом / смерть преподобных Его. **Стих: Что** воздам Господеви о
всех, / яже воздаде ми? **Всякое** дыхание: **Евангелие от Матфея, зачало**
43.

По 50-м псалме стихира, глас 6:

Трифона доброхвальнаго почтим: / насажден бо в дому Господни /
и процвете праведно, яко кедр в пустыни, / умножив вельми стадо
Христово словесных овец, / в преподобстве всехвальном и правде, // в
мученичестве славном и страдальчествовании.

Канон Богородице со ирмосом на 6.

И святого на 8, глас 4:

Песнь 1

Ирмос: *Наставльшему древле Израиля, / бежащаго от работы фараоновы, / и в пустыни питавшему, / поим Избавителю, Богу нашему, // яко прославися.*

Запев: Преподобне отче наш Трифоне, / моли Бога о нас.

Аз Бог первый, Аз же по сих, / разве Мене несть Бога ктому, якоже Аз пророком Своим рече; / Ты и нам отверзи плотная уста воспети раба Твоего Трифона / и сего поющим слово вдохни.

Приими песнь рабов твоих, отче преподобне, / и умоли Господа воздати грехом оставление, / на Суде милость и Небеснаго Царствия наслаждение, / идеже ты пребываеши, отче всехвальный.

Руце простертием чистых ти молитв / бесплотных враги струями слез твоих до конца потопил еси, Трифоне, / и купель мысленную в них соделал еси, / омыvaeши прегрешения восхваляющих тя, преподобне.

Единаго естества Троицы безмерную силу со дерзновением богословил еси / и суетных идольское служение, всеумдре, обличил еси, / божественными наказаниями укрепил, / Ангелом сожительниче, Трифоне, / память твою празднующих соблюди, / да спасени, поем: / благословите, вся дела Господня, Господа.

Ни гроб, забвения ходатай, / возможно твоя добродетели утайти, отче Трифоне, / трубы бо яснейше проповеда твоя болезни постническая, / имиже Богу приближися, вопия: / благословите, вся дела Господня, Господа.

Богородичен: Из ложесн твоих возия преславно / Великое Солнце – Христос Бог, Богородице Дево, / и вся земныя концы просветив, / и преподобных поты приял есть честно.

Песнь 3

Ирмос: *Да не хвалится мудр хваляйся, / но о сем, еже разумевати, / яко несть свят, яко Бог наш, / возносяй рог наш, // дай крепость царем нашим.*

Отѣчество твоѣ, преподѣбне, близ града Торжка бѣше / от освященных благочестно живущих родителей, / и, взирая на праведное житиѣ их, / от младости своея изрядно ты кроток и милостив был еси. / Обаче грезением греховным и лестною тьмою миродержания / помрачися твоѣ юностное сердце, / и тьмонеиствоваство возобладаше.

И не хотѣ Господь искоренити тщетнаго и суетнаго, наказуя наказатя Господь, смерти же не предаде тя. / Ангелов подобника и бесов противоборца провидя тя всея твари Зиждитель, / на покаяние огласи тя, яко втораго Павла, / и человеколюбно к Себе призва, / православным смыслом юношская возжеления возненавидев, отче наш Трифоне, / клеветы и вои своя оставил еси.

Прешед море, / прииде в дальнюю и незнаемую страну, на приморие великаго моря-окияна, / и вселился еси, идеже благочестие ни слово слышашеся. / Бездомок и безкровен по лесом и горам / и в пропастех земных скитался еси, странствуя, / непрестанно во слезах, молитвах и сокрушении сердца / пометая себе о землю пред Богом.

В место от места переходя, / бегая мирския славы от человек, / небесныя славы рачитель был еси, отче преподѣбне Трифоне, / в пустыни безчисленно прият от бесов всякая пустынная страхования / в препятие спасению твоему, / обаче лестных мечтаний и тяжких страстей мрак разгнав, / к свету добродетелей дошед.

Тамо уткнутися со преподѣбным Феодоритом Господь ты сподобил ешь, / и пребываше вкупе со старцем оным в прегорчайшей пустыни, Богом хранимь бысть, / умучая и покоряя плоть свою в порабощение и послушание духу, / питаяся от жестоких зелий и корений, / яже тамо прозябают пустыня лопарская. / Пребыв со оным предреченным старцем / двадесят лет во святем и непорочнем жителстве, / по ступенем добродетелей возшел еси, всехвальне.

Богородичен: Пречистая Владычице, / рождающая земным Окоормителя и Господа, / страстей моих непостоянное и лютое разжени смущение / и тишину подаждь сердцу моему.

Седáлен, глас 4:

Стра́стное порабо́тил еси́ плотско́е мудрова́ние / и го́ршее покорíл еси́ лу́чшему, о́тче пресла́вне, / сокруши́л еси́ вѣи́ бесо́м и посто́м возсия́л еси́ в ми́ре, / я́ко со́лнечная сия́ния суть твоя́ добродетели, // сегó ра́ди ты почита́ем.

Сла́ва, и ны́не: Богоро́дичен:

Стена́ непобеди́мая нам христиа́ном еси́, Богоро́дице Де́во: / к Тебе́ бо прибега́юще невреди́ми пребыва́ем, / и па́ки согреша́юще, има́мы Тя моли́твенницу. / Тем благода́ряще вопи́ем Ти: / ра́дуйся, Благода́тная, Госпо́дь с Тобо́ю.

Песнь 4

Ирмо́с: Услы́шах сла́вное смотре́ние Твое́, Христé Бо́же, / я́ко роди́лся еси́ от Де́вы, / да от ле́сти изба́вши зову́щия: // сла́ва си́ле Твое́й, Го́споди.

Но́сиши, о́тче, крото́стию наве́ты и ла́яния лука́вых бесо́в, / и челове́к злых нахожде́ния, / бесо́вскою преле́стию подвиза́емых ты уби́ти. / Ты же, сия́ терпя́, / отхо́диши во вну́треннюю пу́стыню / на богому́дрие и безмо́лвие.

Наро́д же ло́пский, омраче́нный невѣдением, / со но́йды, си́речь отлуче́нными слуга́ми диа́вольскими, / прѣшася́ с тобо́ю, Три́фоне пра́ведный, / и яря́шася, я́ко зве́рие, и неисповеди́мыя де́яша ти па́кости. / Но Госпо́дь Бог, обеща́вйся с тобо́ю бы́ти, / Свои́м Бо́жиим манове́нием наставля́ше ты сокрыва́тися / в гора́х и в рассели́нах ка́менных, / и иногда́, о́тче святы́й, прохожда́ше сквозь пога́ных, / зло́бою ослепле́нных, и невидим бы́сть.

В том благове́стии, о́тче наш Три́фоне, / святы́й муж до́браго жела́ния, потруди́вся ле́та мно́гая / и разгна́в страсте́й мрак глубо́кий, ко све́ту добродетелей доше́д / и све́тел быв, мра́чныя дѹхи лука́вствия отгна́л еси́ от наро́да ло́пскаго / и окрѣст рек Пече́нги и Па́зреки / пропове́дию огласи́л еси́ их и Креще́нием просвети́л еси́.

Еди́ней любве́ Христо́ве ду́шу свою́, преподо́бне Три́фоне, / приложив, всею́ душо́ю потща́лся еси́ / искорени́ти э́линская бесо́вская мудрова́ния / и от зве́рскаго устремле́ния свободи́ти лю́ди, неко́гда тяжкия́ и суро́выя, / свои́ми моли́твами укроти́л еси́ лопь язы́ческую / и, на па́жить живонóсную наста́вив, ко Христо́ве вере́, / я́ко овча́та ма́лыя, привёл еси́.

Во гра́де Ко́ле купи́, о́тче святы́й, же́рновы ручны́я нема́лы и тяжкия́ / и на ра́мех свои́х во оби́тель нести́ изво́лил еси́. / Ученицы́ же моли́ша тя, да не труди́шия изли́ше. / Ты же рече́ им: / у́не на вьи́ своёй обесивы́й осе́льский ка́мень носи́ти, / неже́ли бра́тию пра́зднством соблажнѣ́ти. / И путе́м бла́тным и гористы́м со бре́менем тяжким до Пече́нжския оби́тели идѣ́ше, / в посте́ вели́цем пребывая́, ни ма́ло яды́й, / воспева́я Бо́гови, подаю́щему ти си́лы тако́выя: / благослови́те, вся дела́ Госпо́дня, Го́спода.

Богородичен: Ты еди́на су́щим на земли́ па́че естества́ благи́х Хода́таица, / Ма́ти Бо́жия, яви́ся, / те́мже Ти, ра́дуйся, вопие́м.

Песнь 5

Ирмо́с: *Часть моя́ еси́, Го́споди, / и сла́ва лица́ моего́: / Ты бо мя из тьмы́ неведе́ния / еди́н изба́вил еси́ богоразу́мием. / И Тебе́ молю́ся, Христе́: // да́руй рабу́ Твоему́ мир, я́ко Человеколю́бец.*

Святоблаже́ннаго учи́теля твоего́ Феодори́та / преподо́бию и целому́дрию поревнова́в, о́тче Три́фоне, / чистоту́ притяжа́в, и́миже на Божество́вую любóвь восше́д, / при́ят от Го́спода да́ры / исцеля́ти недуги́ душ и телес́ на́ших.

Сла́ное, о́тче, неве́рия мо́ре / истека́ющими от тебе́ си́лами и зна́мении возму́щается, / и злочестие́ лóпи благочестие́м изменя́ется, / и тьма́ неведе́ния богоразу́мием просвещáется.

И нача́т стро́ити на Пече́нзе реце́ це́рковь / во И́мя Святы́я и Живонача́льныя Трѣ́ицы, / сам же вся но́щи в непреста́нных моли́твах пребыва́я, / во днѣ́х же за три по́прища на ра́мех свои́х / на це́рковное стро́ение бревна́ и тес, / и и́но потре́бное ноша́ше.

Со благословением приснопеваемого Мака́рия, Но́ваго гра́да святителя, / це́рковь ту священнонок Или́я со иеродиаконом Феодоритом освяти́ша, / и от того́ иероинока блаже́нный о́тец наш Три́фон остреже́ся / и ду́хом и се́рдцем пра́вый ино́к и знаменосец соде́лася.

Невозвратно шествовал еси́ веду́щими к небеси́ стезя́ми божественными, / о́тче преподо́бне Три́фоне досточудне, / от злых веду́щих до конца́ уклонился еси́ / и, непреста́нныя моли́твы, я́ко копи́е, вручи́в кре́пко, / пробол еси́ бесо́вская ополче́ния. / Те́мже твою́ па́мь прісно пе́сньми восхваля́ем ве́рно.

Богородичен: Очисти́лище естества́ Ты еси́, Еди́на Богоблаже́нная, / на ра́мех бо херувимских сидя́щаго Бо́га дланьма носи́ла еси́, вопи́ющи: / благослове́н Бо́г о́тец на́ших.

Песнь 6

Ирмо́с: *Да не погрузи́т мене́ бу́ря водна́я, / ниже́ да пожре́т мене́ глубина́, / отве́ржен бо есмь во глубинѣ́ се́рдца морска́го зол мои́х. / Тем зову́, я́ко Ио́на: // да взы́дет от тли зол живо́т мой к Тебе́, Бо́же.*

И ненаселенная тобою́ населя́ется земля́ се́верная, о́тче, / я́ко бо заря́ просия́ша тво́я добродете́ли, / и́миже осия́вшеся, в пусты́ню, / я́ко во град, мно́жество мни́шеское стече́ся, / и нача́льник сегó свяще́ннаго собо́ра яви́лся еси́, о́тче Три́фоне, / наказу́я и уча́, / и вся́ приводя́ к во́ли Бо́жией.

Любо́вь и́стинную ко Христу́ возыме́л еси́, / и сподо́би тя Господь во и́мя Святы́я Трои́цы / не то́кмо пресла́вный храм, но и оби́тель чу́дную устро́ити, / и во о́ную духо́вная лопарская ча́да мно́гая / к мона́шескому жити́ю приве́л еси́ / из наро́да некогда́ ва́рварскаго.

Естество́м добродете́лей, о́тче, наве́ты нося́, / терпя́ же и от свои́х, на тя восстаю́щих, / о́теческим нра́вом последу́я, тех жити́е в себе́ име́л еси́. / Свяще́нная тво́я ча́да в беспло́дней пусты́ни, / я́ко дре́ва ма́сличная, процвели́ суть. / Тем, я́ко апо́столом и пустынножи́телем / равноче́стна чту́ще, ты почита́ем.

Иже злыми присно обуреваемии / и страстьми содержимии, к тебе прибегаем, / Бóгови моли́твенника ты предлагающе, Трифоне преподобне. / Те́мже мило́стивно посещай нас, о́тче, / да тобою спасени, па́мьять твою́ почита́ем / присночестну́ю и свяще́нную.

Ярость бесов раздражи́, / егда́ но́йды ло́пския, уго́дники их, / Бóгу уго́дники ты моли́твами соде́лал еси́, / осия́л еси́, богому́дре, земны́я концы́, / ко Свѣту, от Свѣта возсия́вшему, умерый, прешѣл еси́. / Со А́нгелы ны́не на небесе́х водворя́ясь, / помина́й ве́рою чту́щих па́мьять твою́, / преподобне Трифоне приснопа́мятне.

Богородичен: Руно́ Богоно́сное Ты прообрази́, Де́во, / запечатле́нный Исто́чник присноживы́я воды́, / одр, е́гоже обстоя́т си́льнии, / Сего́ неискусому́жно вместила́ еси́, Чи́стая.

Конда́к, глас 8:

Все твоѣ́ умное желáние к Бóгу вперив, / Того́ зва́нию невозвратно от души́ последовал еси́, / в пусты́ню конѣчную всели́вся, и, та́мо а́нгельски и равноапóстольне пожив, / мно́гим путь был еси́ ко спасе́нию, / вели́ких царей́ Иоáнна и Феодора Росси́йских чудесы́ удивил еси́. / Сего́ ра́ди и Христóс ты просла́ви и даром чудес обóгати. / Те́мже вси вопи́ем ти: раду́йся, исповѣдниче Христá Бóга нашего́, // раду́йся, обители́ твоѣ́й неколебимое утвержде́ние, Трифоне, о́тче наш.

И́кос:

Возлюбив, преподобне, Христóвы Божѣственныя за́поведи / и возненавидев ми́ра сего́ пре́жня наслажде́ния, / прииде усердно ко Гóсподу, / и бысть светильник, просвещая́ концы́ блиста́нием духо́вным. / Тем, припада́я, молю́ тя: / просвети́ моя́ о́чи душе́вныя / воспѣти́ тво́я подвиги, поще́ние, и бде́ние, / и слѣзы, болѣзни и изможде́ние те́ла, / блаже́нныя ра́ди б́удущия жи́зни, ея́же ны́не наслажда́ешься, // моли́ непреста́нно о всех нас, Трифоне, о́тче наш.

Песнь 7

Ирмо́с: *Не преда́ждь нас до конца́ И́мене Твоего́ ра́ди / и не разори́ Завета́ Твоего́, / и не отста́ви мило́сти Твоея́ от нас, // Гóсподи Бóже о́тец наших, Препѣтый во ве́ки.*

Добродѣтелей труды и пѣты, Трифоне, / покой со всеми святыми
приял еси, / ихже возвеселил еси своим житием, / велию обитель Святыя
Троицы на Печензе устроил еси / и монахов множество собрал еси, поя
Христови: / благословен еси, Господи, Боже отец наших.

Лукавии мниси тебе спону / бесовским советом учинити хотеша, /
еже тебе с Печензи изгнати или смерти предати, / ты же сих, якоже
Моисей / манною питати не престаеши, / дондеже я в благоразумие
приведе, со благодарением поя Божу: / благословен еси, Господи, Боже
отец наших.

Содружебник твой известный, / на бесов ратоборец Варлаамий с
Керети, / устремися к тебе на Печенгу увидети труды твои и подвижи / и
предвозвестительно о составлении обители прорече: / о, Трифоне, ты
сподобился еси обитель великую воздвигнути и братию собрати, / будут
бо людие и села zde неукротимы, / яко дивии звери, твоей прежней ярости
и острожелчию подобящихся. / Ты же, не престаю, Богу воспевал еси: /
благословен еси, Господи, Боже отец наших.

Естеством добродетелей любве сопряжеса ти содружебник твой
Варлаамий / в духовных твоих, Трифоне, исправлениях, / в пусте моря с
тобою оземствуяся / и на ладнице шествуя, / причастныя души немощи
очищаючи.

Отошел еси, отче святой, во страны Великаго Нова града / и тамо
пребыл еси нищ и проситель, / от града во град, от веси в весь
странствуя / и испрошая милостыни, яже на пропитание братьий посылал
еси, / яко кокош, собирая семена для птенцев своих / и питая вся целыя
осмь лет, / благодарно воспевая Богу: / благословен еси, Господи, Боже
отец наших.

Аще и питаеми суть роптати не престаю, / но ты сих зверство на
кротость в благоразумие приведе / молитвами непрестанными, и пением,
и бдением, / дондеже их Христови чисты представи. / И, егда прииде час
мучения, / венцы добропобедныя у Господа испросил еси / и от обители
земныя во обитель небесную / чад своих водворил еси, поя Богу: /
благословен еси, Господи, Боже отец наших.

Богорóдичен: Лю́тыми страстéй навéты обуреваемъ есмь / и прилоги грехóвными погружаемъ; / к Твоему́ единому́ тóхому и невла́емому пристáнищу прибегаю, Всепéтая: / ущéдривши, спаси́ мя, Приснодéво Благословéнная, / Я́же Бóга плóтию Рóждшая.

Песнь 8

Ирмос: *В Вавилóне óтроцы, / Божéственною распала́ми рéвностию, / мучи́теля и пла́мене прещéние мýжески попрáша, / и, посредé огнѧ ввёржени, орошáем, поя́ху: // благослови́те, вся дела́ Госпóдня, Гóспода.*

Глаго́лом síла Божéственная послéдующая познавашеся / от цáря Иоáнна чýственне, / он же по прéжде речéнным хотéние твоé, / éже к Божéственным волю́ исполня́я, / возлюбилъ естъ надáльну обителъ страны́ Печéнжския, / наипáче же тебé, преподóбне, / и, воздарова́в гра́мотою несудíмою, / и богáтно колокола́ми и церкóвную ўтварию, / отпусти́л естъ вели́кий Цáрь с мило́стивым призре́нием. / Ты же, дивѧся таковóму попечéнию Бóжию об обителѧ твоéй, воспевáл еси́: / благослови́те, вся дела́ Госпóдня, Гóспода.

Благочестíвому царю́ Феóдору я́влься, óтче преподóбне, / от смéртельного злáго умышлéния свѧтцких нéмец / спáсл еси́ сегó руки́ прикосновéнием, / óному же ты спаси́теля сеѧ напáсти получи́в, / ймя твоé увéдети хотѧ, / ты же и сиé возвестилъ еси́. / Сегó рáди чудодéющему Бóгу во свѧты́х Свои́х воспевáем: / благослови́те, вся дела́ Госпóдня, Гóспода.

Еди́ножды пришéд в кéллию твою́, óтче свѧты́й, / медвéдь дѧвий и зелó вели́к / и начáт уготóванное тéсто просфóрное я́сти. / Ты же Й́менем Иисúса Христá повелéл еси́ звéрю: стáнь сэмо крóток. / И стá звéрь пред ногáма твои́ма недви́жим. / Взем вéлие дрéво, бия́ше звéря, / и, наказáв, завещá близ обителѧ впредь не пáкостити / и отослá тогó в пусты́ню. / Мы же, дивѧщиеся síле Бóжией, дéйствующей в тебé, вопи́ем: / благослови́те, вся дела́ Госпóдня, Гóспода.

По прóповеди Христóвой / и по мнóгих свои́х пусты́нных трудéх, óтче преподóбне, / в стáрости масти́те впадé в болéзнь и изнемóже зелó. / Прешéдшей же брáтии со игúменом Гúрием речé: / не скорбитé, брáтия

моя, и в добрый путь течения моего не пресекайте, / и не любите мира, ни
яже в мире, / все упование возложите на Бога; / сами бо весте, колико
окаяннен мир сей, / яко море неверен, мятежен, ветрами нечестивых духов
волнуется, / наветы диавольскими пенится, о погружении миролюбцев
тщится, / всюду пагубы своя простирает / и наконец вся смертью осуждает.
/ Мы же, внимая премудрым словесем твоим, вопием: / благословите, вся
дела Господня, Господа.

По сих приял еси конечно, отче наш Трифоне, / Пречистое Тело и
Святую Кровь Христовы, / зело изнеможе и прослезися, рече: / на обитель
сию святую будет тяжкое искушение, / и от острия меча умучатся мнози; /
но не ослабевайте, братья моя, уповайте на Бога: / не оставит бо жезла
грешных на жребии Своем / и паки обновит обитель. / И просветися лице
твое, / и предаде святую душу свою, / Святей Троице теплый служителю /
и Пречистой Богоматери благодарен. / Мы же, взирая на блаженную
кончину твою, сие вопием: / благословите, вся дела Господня, Господа.

Богородичен: Вышняго освященное Божественное селение,
радуйся: / Тобою бо дадеша радость, Богородице, зовущим: /
благословенна Ты в женах еси, Всенепорочная Владычице.

Песнь 9

Ирмос: *Моисей на горе неопалимую купину виде, / Иосиф в вертепе
неизреченное Рождество слыша, / Нескверная Дево, Безмужная Мати, //*
песньми Тя, Богородице, величаем.

Исцеления безчисленная источаеши нам, преблаженне Трифоне, / и
отгоняеши болезни душевные, / и телесныя страсти врачуеши /
похваляющих труды твоя, всечестне, и вопиющих верно, / и ты
венчавшаго Христа прославляющих.

Страсти победив телесныя воздержания уздою, чудодейственне
Трифоне, / в безстрастия облечеша светлую ризу, / всю злобу обнажил еси
древле нас обнажившаго / и ныне жительствуеши, в рай всегда
веселяся, // моли спастися душам нашим.

Возсия днесь пресветлая и всепразднственная память твоя,
преславне Трифоне, / созывающи многочисленное постников сословие и

преподобных ликостояния, / и монахов велие братство, / коих страсти
душетленные успил еси, блаженне, / бодренными бдени, молитвами
непрестанными и пощением, / и сих ради в чертог Небесный чада своя
вселил еси, / богомудре Трифоне.

Иже память твою священную творящим, отче, / не престай со всеми
святыми земли Кольския / молити Избавителя даровати согрешением
оставление / и Небесное Царство воспряти, / идеже глас празднующих
веселит вся.

О, троице присноблаженная, / равночестнии отцы: Феодорите,
Трифоне и Варлааме, / яко едино блаженство имущии от Бога, версто
предобрая, / нас призывающих и восхваляющих вас от всех лютых
спасайте / теплым предстательством вашим ко Господу.

Богородичен: Изравнитися Содетелю желание ми вложй змий
вселукавый, / яко пленника, мя восхити. / Тобою же, Пречистая, призван
бых, обожився истинно, / Ты бо, о Богомати, Иже мене Обожившаго
родила еси.

Светилен:

Труды тяжкими и подвиги многими / с кротостию и смирением
наветы вражия и клеветы терпя, / отеческим нравом последовал еси, тех
житие в себе имея. / И священная твоя чада в бесплодной пустыни, / яко
древа масличная, процвели суть, / велию обитель Святыя Троицы создал
еси, / монахов множество собрав, / труд кормчий творити до смерти не
престал еси. / Тако твоя труды, отче наш Трифоне, // светло возсияли суть
в северных концех Русския земли. *(Дважды).*

Слава, и ныне, Богородичен:

Тя песнями немолчными ублажаем, Дево, / яко от Троицы Единого
родила еси, Богородице, / и носиши на Божественных объятиих
Пребогатое Слово, // Невращное и Неизменное.

На хвалітех стихіры на 4, глас 4:

Евѣнгельскою стезею к покаянію пришѣл есі / и мир оставил есі,
отче наш Трифоне, / в дальняя незнаемая местѣ пришѣд, / крещением ко
Христову познанию язѣки дивии привел есі. / Оружием иноческим,
постом, смиреніем и послушаніем, царству тьмы противился есі, /
правило веры и образ кротости духовныя явился есі, / ветхаго человека
совлеклся есі, / и, стяжав благодать Духа Святаго, / в новаго человека
облеклся есі, // в праведности и истине Божией ясно утверждаяся.
(Дважды).

Зрите, христиане времен нынешних, / воистину сіе удивлению
достойно: / кия храбрии обреталися суть старцы / в православней
христианстей странѣ, / во правверных догматех воспитаннии, / Кольския
земли просветители. / Сих святых отец троицу: Трифона, Феодорита и
Варлаама, / приводим Тебе в молитву, Христе Боже, / ихже моление
пріемь и от вражия коварства сохраняя, // Духом Твоим Святым настави
нас во веки Тя величати.

О, преподобне и досточудне отче наш Трифоне! / Живоначальной
предстоя Троице, / в неприступном свете и радости неизглаголанней, /
прими сіе от умиленного ти сердца возносимое хваление / и не престай
моляся о нас, / да поживше благочестне, / по успении нашем сретени от
тебе обрящемся на Небесех / и воспоем с тобою Богу песнь великую, //
в вышних трегубо песнословимую.

Слава, глас 7:

Еда не мощно есть от Бога всякое слово? / Умиленною душею
поклонимся Христу, плачуще и стеньще к Немю, / и даст Господь
Всемогущий исполнение всякаго прошения, / егоже просим от Него, / и
обрящет просящий благодать Божию пред очима Его. / Темже и мы
умиленною душею вопием ко Господу, / благодаряще и славословяще
Всещедраго Бога, / даровавшего нам севернаго апостола славнаго, /
блаженного Трифона, // земли Кольския просветителя.

И ныне, Богородичен, глас тойже:

Моли, Дѣво, с преподѣбным отцѣм нашим Трифоном / обрести нам на Судѣ преставльшимся // велию милость.

Славословіе великое и отпуст.

НА ЛИТУРГІИ

Блаженны от канона преподѣбнаго: пѣсни 3-я и 6-я на 8.

Прокимен, глас 7: Честна пред Господем / смерть преподѣбных Его.
Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6: Блажен муж бояйся Господа, / в заповедех Его восхощет зело. Стих: Сильно на земли будет семя его, / род правых благословится. Евангелие от Луки, зачало 24. Причастен: В память вечную: